



Broj: 05-04-20-3391-7/26
Maglaj, 25.08.2026. godine

Na osnovu člana 70., u vezi sa članom 64. stav (1) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3391-5/26 od 25.08.2026. godine, u postupku javne nabavke „Izgradnja obaloutvrda na Tujničkom potoku u naselju Tujnica (Džamija-Most) u dužini od 70,0 m”, Općinski načelnik donosi

ODLUKU
o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na izgradnji obaloutvrda na Tujničkom potoku u naselju Tujnica (Džamija-Most) u dužini od 70,0m dodjeljuje se ponuđaču “Hajdić” d.o.o. Maglaj, u skladu sa ponudom broj 57/26 od 19.08.2026. godine, po ukupnoj cijeni od 32.492,40 KM bez PDV-a, odnosno 38.016,10 KM sa PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3391-1/26 od 29.07.2026. godine, pokrenut je postupak javne nabavke „Izgradnja obaloutvrda na Tujničkom potoku u naselju Tujnica (Džamija-Most) u dužini od 70,0m“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-96-3-85/26 od 29.07.2026. godine. Sažetak obavještenja o nabavci objavljen je u „Službenom glasniku BiH“, broj 54/26.

Procijenjena vrijednost nabavke je 50.427,35 KM bez PDV-a, odnosno 59.000,00 KM sa uračunatim PDV-om. Kriterij za dodjelu ugovora je ekonomski najpovoljnija ponuda, sa potkriterijima „cijena“ (ukupno 98 bodova) i „rok plaćanja“ (ukupno 2 boda).

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-1074/26 od 22.05.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno šest ponuda, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Ikan” d.o.o. Zavidovići	Mečevići bb, Zavidovići	17.08.2026. 07,55h	8024
2.	“Hajdić” d.o.o. Maglaj	Misurići bb, Maglaj	18.08.2026. 07,58h	8069
3.	“Dobojputevi” d.d. Doboj Jug	Usorska 130, Matuzići	18.08.2026. 08,24h	8072
4.	“Gradnja-1” d.o.o. Tešanj	Rosulje bb, Jelah	18.08.2026. 12,08h	8096
5.	“Unibau” d.o.o. Doboj Istok	Klokotnica, Doboj Istok	18.08.2026. 13,29h	8097
6.	“Geo-put” d.o.o. Maglaj	Poljice bb, Maglaj	19.08.2026. 08,10h	8103

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je sve ponude ocijenila prihvatljivim.

E-aukcija u predmetnom postupku nije provedena. Komisija je izvršila rangiranje prihvatljivih ponuda u skladu sa kriterijima i metodologijom utvrđenom u tenderskoj dokumentaciji. U ponudi ponuđača “Unibau” d.o.o. Doboj Istok uočena je računska greška, koja je ispravljena u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). Konačna rang lista, prema kriteriju za izbor ponude je sljedeća:

r/ b	Naziv ponuđača	Cijena sa popustom (bez PDV-a)	Bodovi po kriteriju cijena	Rok plaćanja	Bodovi po kriteriju rok plaćanja	UKUPAN BROJ BODOVA
1.	“Hajdić” d.o.o. Maglaj	32.492,40	98	60 dana	2	100
2.	“Ikan” d.o.o. Zavidovići	40.280,00	79,05	60 dana	2	81,05
3.	“Gradnja-1” d.o.o. Tešanj	40.903,06	77,85	60 dana	2	79,85
4.	“Geo-put” d.o.o. Maglaj	47.068,00	67,65	60 dana	2	69,65

5.	“Unibau” d.o.o. Doboj Istok	47.485,00	67,06	60 dana	2	69,06
6.	“Dobojsputevi” d.d. Doboj Jug	49.911,59	63,80	60 dana	2	65,80

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na izgradnji obaloutvrda na Tujničkom potoku u naselju Tujnica (Džamija-Most) u dužini od 70,0m dodijeli ponuđaču „Hajdić” d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 25.08.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

[Handwritten signature]

